

有关于春节的诗句

作者：有故事的人 来源：范文网 www.wtabcd.cn/fanwen/

本文原地址：<https://www.wtabcd.cn/zhishi/a/16778264872901.html>

范文网，为你加油喝彩！

白鹤岛-铃声歌曲



2023年3月3日发(作者：红木小件)

表达春节的古诗

表达春节的古诗

表达春节的古诗（精选40首）

无论是身处学校还是步入社会，大家或多或少都接触过一些经典的古诗吧，古诗是中文独有的

一种文体，有特殊的格式及韵律。其实很多朋友都不太清楚什么样的古诗才是好的古诗，以下是小编编整

理的表达春节的古诗（精选40首），欢迎大家借鉴与参考，希望对大家有所帮助。

1、《元日》

宋王安石

爆竹声中一岁除，春风送暖入屠苏。

千门万户曈曈日，总把新桃换旧符。

2、《田家元日》

(唐)孟浩然

昨夜斗回北，今朝岁起东；

我年已强壮，无禄尚忧农。

桑野就耕父，荷锄随牧童；

田家占气候，共说此年丰。

3、《元日》

唐李世民

高轩暖春色，邃阁媚朝光。彤庭飞彩旆，翠幌曜明珰。

恭己临四极，垂衣馭八荒。霜戟列丹陛，丝竹韵长廊。

穆矣熏风茂，康哉帝道昌。继文遵后轨，循古鉴前王。

草秀故春色，梅艳昔年妆。巨川思欲济，终以寄舟航。

4、《新年作》

唐代刘长卿

乡心新岁切，天畔独潸然。

老至居人下，春归在客先。

岭猿同旦暮，江柳共风烟。

已似长沙傅，从今又几年。

5、《除夜》

唐·尚颜

九冬三十夜，寒与暖分开。

坐到四更后，身添一岁来。

鱼灯延腊火，兽炭化春灰。

青帝今应老，迎新见几回。

6、《除夜宿石头驿》

唐·戴叔伦

旅馆谁相问，寒灯独可亲。

一年将尽夜，万里未归人。

寥落悲前事，支离笑此身。

愁颜与衰鬓，明日又逢春。

7、《庚辰元旦试笔》

宋·舒岳祥

数我初生岁，今为第二年。

光阴六十过，行辈几人全。

试把新诗写，闲将好梦圆。

儿孙扶出拜，苏酒让渠先。

8、《己酉新正》

叶颙

天地风霜尽，乾坤气象和；

历添新岁月，春满旧山河。

梅柳芳容徲，松篁老态多；

屠苏成醉饮，欢笑白云窝。

9、《新年呈友》

唐·许棠

一月月相似，一年年不同。

清晨窥古镜，旅貌近衰翁。

处世闲难得，关身事半空。

浮生能几许，莫惜醉春风。

10、《生查子·元夕》

宋·欧阳修

去年元夜时，花市灯如昼。

月上柳梢头，人约黄昏后。

今年元夜时，月与灯依旧。

不见去年人，泪湿春衫袖。

11、《除夜》

宋·文天祥

乾坤空落落，岁月去堂堂。

末路惊风雨，穷边饱雪霜。

命随年欲尽，身与世俱忘。

无复屠苏梦，挑灯夜未央。

12、《守岁》

唐·李世民

暮景斜芳殿，年华丽绮宫。

寒辞去冬雪，暖带入春风。

阶馥舒梅素，盘花卷烛红。

共欢新故岁，迎送一宵中。

13、《除夜有怀》

唐·杜审言

故节当歌守，新年把烛迎。

冬氛恋虬箭，春色候鸡鸣。

兴尽闻壶覆，宵阑见斗横。

还将万亿寿，更谒九重城。

14、《应诏赋得除夜》

唐·史青

今岁今宵尽，明年明日催。

寒随一夜去，春逐五更来。

气色空中改，容颜暗里回。

风光人不觉，已著后园梅。

15、《次北固山下》

唐·王湾

客路青山外，行舟绿水前。

潮平两岸阔，风正一帆悬。

海日生残夜，江春入旧年。

乡书何处达？归雁洛阳边。

16《除夜二首》

唐·姚合

衰残归未遂，寂寞此宵情。

旧国当千里，新年隔数更。

寒犹近北峭，风渐向东生。

谁见长安陌，晨钟度火城。

殷勤惜此夜，此夜在逡巡。

烛尽年还别，鸡鸣老更新。

雉声方去疫，酒色已迎春。

明日持杯处，谁为最后人。

17、《钦州守岁》

唐·张说

故岁今宵尽，新年明旦来。

愁心随斗柄，东北望春回。

18、《除夜》

唐·元稹

忆昔岁除夜，见君花烛前。

今宵祝文上，重叠叙新年。

闲处低声哭，空堂背月眠。

伤心小儿女，撩乱火堆边。

19、《除夜》

唐·白居易

岁暮纷多思，天涯渺未归。

老添新甲子，病减旧容辉。

乡国仍留念，功名已息机。

明朝四十九，应转悟前非。

20、《除夜寄弟妹》

唐·白居易

感时思弟妹，不寐百忧生。

万里经年别，孤灯此夜情。

病容非旧日，归思逼新正。

早晚重欢会，羁离各长成。

21、《人日思归》

隋·薛道衡

入春才七日，离家已二年。

人归落雁后，思发在花前。

22、《正月十五夜》

唐·苏味道

火树银花合，星桥铁锁开。

暗尘随马去，明月逐人来。

游伎皆秾李，行歌尽落梅。

金吾不禁夜，玉漏莫相催。

23、《守岁》

宋·苏轼

欲知垂尽岁，有似赴壑蛇。

修鳞半已没，去意谁能遮。

况欲系其尾，虽勤知奈何。

儿童强不睡，相守夜欢哗。

晨鸡且勿唱，更鼓畏添挝。

坐久灯烬落，起看北斗斜。

明年岂无年，心事恐蹉跎。

努力尽今夕，少年犹可夸。

24、《元日有题》

唐·崔道融

十载元正酒，相欢意转深。

自量麋鹿分，只合在山林。

25、《除夕》

明·德祥

五十明朝是，兹宵不得眠。

杯盘分节序，火炬照村田。

春色来何处，梅花在目前。

自然添白发，岂为惜流年。

26、《岁除夜会乐城张少府宅》

孟浩然

畴昔通家好，相知无间然。

续明催画烛，守岁接长筵。

旧曲梅花唱，新正柏酒传。

客行随处乐，不见度年年。

27、《除夜太原寒甚》

朝代：明代作者：于谦

寄语天涯客，轻寒底用愁。

春风来不远，只在屋东头。

28、《除夜有怀》

朝代：唐代作者：崔涂

迢递三巴路，羈危万里身。

乱山残雪夜，孤烛异乡人。

渐与骨肉远，转于僮仆亲。

那堪正飘泊，明日岁华新。

29、《岁夜咏怀》

朝代：唐代作者：刘禹锡

弥年不得意，新岁又如何？

念昔同游者，而今有几多？

以闲为自在，将寿补蹉跎。

春色无情故，幽居亦见过。

30、《除夜对酒赠少章》

宋代陈师道

岁晚身何托，灯前客未空。

半生忧患里，一梦有无中。

发短愁催白，颜衰酒借红。

我歌君起舞，潦倒略相同。

31、《庆新年》

作者：道平常

鞭炮声声迎新年，妙联横生贴门前。

笑声处处传入耳，美味佳肴上餐桌。

谈天论地成一片，灯光通明照残夜。

稚童新衣相夸耀，旧去新来气象清。

32、《又新年》

作者：俯睇

梅领群芳初破冬，风送凛冽暖渐稳。

柏烟袅袅近除夕，市井喧喧忙护警。

邻舍久盼得乔迁，满坐亲朋一干请。

33、《新年自勉》

作者：仇志璞

冬去春来又尽年，风花雪月谈笑间。

夕阳洒绘云霞美，寒风劲秀雪漫天。

花开花落情未老，年复一年志亦坚。

我欲立志与天衡，豪情冲破不周山。

34《新年》

作者：江南流萤

欢乐过新年，烟花灿九天。

金龙腾玉宇，六出好耘田。

35、《非绝体·新年》

作者：塞宾的左手

旧年钟声入新年，爆竹阵阵岁经添。

奈得华夏将抖擞，仓有余粮库有钱。

36、《春节乐》

作者：酒巷深亦深

龙飞凤舞万象新，腾达天地处处春；

盛宴中国进步快，世业长青家家乐！

37、《新年寄语》

作者：漫岗秋叶

漫步空间又一年，唱吟赋和友情绵。

迎新辞旧抒胸臆，共谱诗坛锦绣篇。

38、《新年贺岁》

作者：闫旭辉

绕梁年稔白芦葭，爆竹声中兑酒茶。

新拭门窗明更暖，香融几案气犹华。

醍醐夫子争饕餮，稼穡苍生搁耜耙。

儿女归来添盛饌，潇潇雾笼富农家。

39、《题新年扉页诗》

作者：踏雪飛鴻

人生轮回几开端，当惜岁首元月天。

雪泥若想留鸿爪，年年日记始新篇。

40、《岁除夜》

唐·罗隐

官历行将尽，村醪强自倾。

厌寒思暖律，畏老惜残更。

岁月已如此，寇戎犹未平。

儿童不谙事，歌吹待天明。

更多 在线阅览 请访问 https://www.wtabcd.cn/zhishi/list/91_0.html

文章生成doc功能，由[范文网](#)开发